

504:
MAHATHIR

1975

KUALA LUMPUR, 15 SEPT. (BERNAMA)-MENTERI PELAJARAN, DR. MAHATHIR MOHAMED HARI INI MENYERU UNIVERSITI-UNIVERSITI DI NEGARA INI SUPAYA MENGAJAI KEMUNGKINAN DAN POTENSI-POTENSI PENGGUNAAN ALAT-ALAT PANDANG DENGAR DALAM BIDANG PENGAJARAN DAN PENGAJIAN.

BELIAU BERKATA BIDANG PENDIDIKAN DI NEGARA INI MASIH LAGI KEBELAKANGAN DALAM LAPANGAN PENGGUNAAN ALAT-ALAT MODEN DAN MEMERLUKAN PERUBAHAN YANG BESAR UNTUK MENJADIKANNYA LEBIH BERKESAN DAN BERFAEDAH.

BERUCAP MERASMIKAN SEMINAR DAN PAMIRAN ALAT PANDANG DENGAR DI UNIVERSITI KEBANGSAAN DI SINI, BELIAU MENEGASKAN KEBANYAKAN DARIPADA PENGAJARAN DI SEKOLAH DAN UNIVERSITI NEGARA INI MASIH MENGGUNAKAN CARA-CARA TRADISIONAL SAPERTI "KAPUR TULIS," DAN DENGAR DAN BELAJAR."

"PENGGUNAAN CARA-CARA LAMA INI TELAH TIDAK BERUBAH SEJAK BEGITU LAMA DAN TIDAK SETANDING DENGAN KEMAJUAN YANG DICAPAI DALAM BIDANG SAINS DAN TEKNOLOGI," TEGASNYA.

MENTERI ITU BERKATA WALAUPUN PENGGUNAAN MEDIA COMMUNICATION DAN TEKNOLOGI PENDIDIKAN MASIH BARU DI MALAYSIA TETAPI NEGARA INI MEMPUNYAI CUKUP SUMBER UNTUK MENGEKSPLOITASIKANNYA.

BELIAU MEMBERI JAMINAN KEMENTERIANNYA BERSEDIJA MEMBERI SOKONGAN TERHADAP PENGGUNAAN ALAT-ALAT PANDANG DENGAR DI BIDANG PENDIDIKAN NEGARA INI. -- BERSAMBUNG HM 1058

505:
MAHATHIR - 2 KUALA LUMPUR

DR. MAHATHIR MENEGASKAN PENERIMAAN SERTA PENGGUNAAN KELENGKAPAN BARU DALAM BIDANG PENDIDIKAN AMATLAH PENTING TERUTAMA DI PERINGKAT PENGAJIAN TINGGI DAN DI SEKOLAH.

"BAGAIMANAPUN KITA MESTILAH MEMPUNYAI PEMIKIRAN TERBUKA DAN SEDIA MENERIMA IDEA-IDEA BARU DAN BERSEDIJA MENUKARKAN CARA-CARA LAMA UNTUK MEMBOLEHKAN KITA MENGAMBIL PELUANG MENGGUNAKAN TEKNOLOGI BARU ITU," TEGASNYA.

BELIAU YAKIN PENGGUNAAN CARA-CARA PENDIDIKAN YANG BARU AKAN MEMBOLEHKAN GURU-GURU MENJALANKAN TUGAS DAN PERANAN MENGEMBANGKAN PELAJARAN DAN PENGETAHUAN DENGAN LEBIH BERKESAN LAGI.

DR. MAHATHIR MEMUJI UNIVERSITI ITU ATAS INISIATIFNYA MENGANJURKAN SEMINAR DUA HARI ITU DALAM USAHA Mencari KEMUNGKINAN MENGGUNAKAN

ALAT-ALAT PANDANG DENGAR DI PERINGKAT PENGAJIAN TINGGI.

USAHA INI, TEGASNYA, ADALAH SESUAI DENGAN PERANAN UNIVERSITI MENJADI PENGANJUR DAN PERINTIS PERMODENAN DAN KEMAJUAN DALAM BIDANG PENGAJIAN DAN PENDIDIKAN.

SEBELUM ITU, NAIB CANSOLOR UKM, DR. ANUWAR MAHMUD MEMBERITAHU UKM BERCADANG MENGGUNAKAN TEKNIK-TEKNIK PENDIDIKAN YANG BARU SAPERTI TV CLOSED CIRCUIT BAGI FAEDAH MAHASISWA YANG SEMAKIN BERTAMBAH. -- BERNAMA HM 1106

143